

焦氏易林卷之二

觀之第二十

觀 歷山之下虞唐所處躬耕致教名聞四海為

堯所薦禪位天子

唐當作舜

乾 蜎飛蠕動各有所配歡悅相迎咸得其處

坤 繼祀宗邑追明成康光照萬國享世久長病

疾不醫下卽蒿蘆

此二句疑衍

屯 秋冬探巢不得鵲雛銜指北去媿我少姬

蒙 童妾獨宿長女未室利無所得

焦氏易林

卷之二

汲古閣

需 洪魚逆流至人潛去蒿蓬代柱大屋顛仆

訟 日闇不明讒夫在堂右臂疾痺君失其光

師 王孫季子相與孝友明允篤誠昇擢薦舉為

國榦柱

比 麟趾龍身日馭三千南上蒼梧與福為婚道

理平易安全無患

小畜 三子成駒折損轅軸輪載空輿後時失期

履 逐福除患道德神仙避惡萬里常歡以安

泰 黃池之盟吳楚爭強句踐為患夷門不安探

穀得螽所願不喜

否 青牛白咽呼我俱田歷山之下可以多耕歲

藏時節人不安寧

呼我句一作
招我于田

同人 有頭無目赫赫粟粟

一作不
見菽粟

消耗爲疾三

年不復

大有 山沒丘浮陸爲水魚燕雀無巢民無室廬

謙 高岡鳳凰朝陽梧桐雍雍喙喙奉奉萋萋陳

辭不多以告孔嘉

豫 鰥寡獨宿憂動胸臆莫與笑食

焦氏易林

卷之二
二

汲古閣

隨 躓馬破車惡婦破家青蠅汙白恭子離居

蠱 長女二嫁進退無羞逐狐作妖行者離憂

臨 人無足法緩行長姦地雄走歸陽不制陰男

失其家

噬嗑 茹芝餌黃飲食玉英與神流通長無憂凶

賁 東行無門西出華山道塞於難遊子爲患

剝 壽如松喬與日月俱常安康樂不罹禍憂

復 探穀得螽所願不喜黃池之盟吳楚爭強句

踐爲患夷門不安

无妄 螭螺生子深目黑醜雖飾相就衆人莫取
大畜 喜怒不時霜雪爲災稼穡無功后稷飢寒
頤 烏升鵲舉照臨東海龙降庭堅爲陶叔後封
爲蓼丘履祿綏厚

大過 黃離白日照我四國元首昭明民賴其福
坎 黍稷醇醲敬奉山宗神嗜飲食甘雨嘉降獨
蒙 福力時災不至

離 禍不更生福過我里入門笑喜與吾利市
咸 晝臥牢門怵惕不安日不得闔鬼搔我足

焦氏易林

卷之二

汲古閣

恒 春早榮華長女宜夫受福多年世有封祿
遯 雍門內崩賊賢傷仁暴亂狂悖簡公失位

大壯 心壯無良猖獗妄行觸抵墻壁不見戶房

晉 膠車秣馬不利遠賈出門爲患安止不危

明夷 家在海隅橈短流深企立望宋無木以趨

家人 冬桑枯槁當風快道蒙被塵埃左右勞苦

睽 過時不行妄逐王公老女無夫不安其居

蹇 履泥污足名困身辱兩仇相當自爲痛疾

解 精華墮落形容醜惡齟齬挫頓枯槁腐蠹

損 長生無極子孫千億松栢爲梁堅固不傾
益 去辛就蓼毒愈酷甚避井入坎憂患日生
夫 行堯欽德養賢致禮衆英積聚國無寇賊
姤 狗逐兔走俱入谷口與虎逢之迫不得去
萃 望尚阿衡太宰周公藩屏湯武立爲侯王
升 清人高子久屯外野逍遙不歸思我慈母
困 三虫作蠱削跡無與勝母盜泉居不安處
井 獮作龍身進無所前三日五夜得其所欽
革 黃裏綠衣君服不宜淫酒毀常失其寵光

焦氏易林

卷之二

汲古閣

鼎 天所顧佑禍災不到安吉無懼

震 盤紆九回行道畱難止須千丘乃睹所歡

艮 暴虐失國爲下所逐北奔陰胡主君旄頭

漸 御辟從龍至霍華東與禹相逢送至子邦

歸妹 銅人鐵距雨露勞苦終日卒歲無有休息

豐 大夫失宜盈滿復虧成長之木盛者滅衰

旅 梅李冬實國多盜賊亂擾並作王不能制

巽 澤枯無魚山童難株長女嫉妒使身虛空

兌 天門冬虛晉季爲災隘睽默蒼秦伯舜殃

渙 褰衣涉河水深漬衣幸賴舟子濟脫無他
節 推車上山高仰重難終日至暮不見阜顛
中孚 鼎易其耳熱不可舉大路壅塞旅人心苦
小過 四亂不安東西爲患退身止足無出邦域
乃得完全賴其生福

既濟 班馬還師以息勞疲役夫嘉喜入戶見妻
未濟 積德不怠遇生逢時載善一作喜渭陽身受

榮光

噬嗑之第二十一

焦氏易林

卷之二
五

汲古閣

噬嗑 麒麟鳳凰善政得祥陰陽和調國無災殃
乾 北風相牽提笑語言伯歌叔舞燕樂以喜北

風牽手

坤 甲戌巳庚隨時運行不失常節咸逢出生各

樂其類達性任情

屯 破亡之虛神所憂衰進德無光留止有慶

蒙 注斯膏澤祈衛百毒防以江南虺不能螫

需 日月相望光輝盛昌三聖成功仁德大降

訟 大蛇巨魚戰於國郊上下濟塞衛侯盧溇

師 龍入天關經歷九山登高上下道里險難日
晏不食絕無甘酸

比 沙漠北塞純無水泉君子征凶役夫力殫

小畜 關柝開啓衿帶解墮福與善生憂不爲禍

履 狼虎所嗥患害必遭不利有爲宜以遁逃

泰 金精耀怒帶劔過午兩虎相距弓弩滿野雖

憂無咎

否 朽根枯樹華葉落去卒逢火焱相隨偃仆

同人 入和出暗動作有光轉運休息常樂允康

焦氏易林

卷之二
六

汲古閣

大有 國多忌諱大人恒畏結口無患可以長存

謙 天地淳亨六合光明陰序陽順厥功以成

豫 裸裎逐狐爲人觀笑牝雞鳴晨主作亂妖

隨 陰失陽復桀失其室相餒不食

蠱 蝓飛蠹動各有配偶大小相保咸得其所

豫

臨

臨 鬼守我廬欲呼伯去曾孫壽考司命不許與

生相保

觀 禍走患伏喜爲我福凶惡消亡災害不作

賁 智不別揚張誑妄行陷淵仆顛傷殺伯身
剝 凶憂災殃日益明章禍不可救三都夷傷
復 長尾蛟蛇畫地爲河深不可涉絕無以北悵
然憤息

无妄 受我嬰女牽引不與冀幸高貴反曰下賤
大畜 鳧遊江湖甘樂其餌既不近人雖驚不駭
頤 明滅光息不能復食精魂既喪以夜爲室
大過 奇適無偶習靜獨處所願不從心思勞苦
坎 葛藟蒙棘花不得實讒佞亂政使忠壅塞
焦氏易林 卷之二
七
離 鵲笑鳩舞來遺我酒大喜在後授我龜紐龍
喜張口超拜福祉

咸 搖尾逐災雲夔辟除洿泥生梁下爲田主
恒 白鶴銜珠夜食爲明膏潤優渥國歲年豐
遯 內執柔德止訟以默宗邑賴德禍災不作
大壯 犬吠驚駭公拔戈起玄冥厭火消散瓦解
晉 公悅姬喜子孫俱在榮譽日登福祿來處
明夷 鳥鳴捕穀長欲飛去循枝上下適與風遇
顛損樹根命不可救

家人 析薪爇酒使媒求婦和合齊宋姜子悅喜
睽 隣不我顧而望至女身多疣癩誰當媚者
蹇 遠視無光不知青黃黓纒塞耳使君聞聾
解 尅身整已逢禹巡狩賜我玄圭蒙受福祐
損 遠望千里不見黑子離婁之明無益於光
益 斧斤所斫瘡瘖不息鍼口不施下卽空室
夫 齊侯少子才略美好求我長女賤薄不與反
得醜陋後乃大悔

妬 失儷後旅天門地戶不知所在安止无咎

焦氏易林

卷之二

汲古閣

萃 烏孫氏女深目黑醜嗜欲不同過時无咎

升 伯駕純騶南至東華求索車馬道闕中止

困 二女寶珠誤鄭大夫君父無禮自爲作笑

井 陽城太室神明所息仁者之君獨無兵革

革 反一作蛇爲殃使道不通歲收甚少年穀敗

傷

鼎 三足孤鳥靈明爲御司過罰惡自殘其家毀

敗爲憂

坎之
渙

震 車駕兩制絕馬欲步雙輪脫行至道遇害

膠
車

乃駕兩引如繩馬
絕韉走雙輪脫去

良 鬱映不明爲陰所傷衆霧麗集共奪日光

漸 鷓鴣鳴梟治城禦災周公勤勞綏得安家

歸妹 名成德就項領不試景公耄老尼父逝去

豐 一夫兩心岐刺不深所爲無功求事不成

旅 羿張烏號穀射天狼趙國雄勇敗於滎陽

巽 東家殺牛污臭腥臊神皆西顧命衰絕周

兌 火起我後喜爻吾廬蒼龍銜水泉喫屋柱雖

難無咎

焦氏易林

卷之二
九

汲古閣

渙 桃雀竊脂巢於小枝搖動不安爲風所吹寒

心飄搖常憂殆危

節 徒足去域飛入東國有所良避深藏遠匿

中孚 璫英朱草仁政得道鳧鷖在渚福祿來下

小過 陳蔡之厄從者飢瘦明德上通憂不爲凶

既濟 春桃生花季女宜家受福多年男爲邦君

未濟 徑邪賊田政惡傷民夫婦呪咀泰山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉酒商滅其墟
坤 鬼守我門呼伯入山去其室家捨其兆墓
屯 日出阜東山蔽其明章甫薦履箕子佯狂
蒙 戴盆望天不見星辰顧小失大福逃墻外
需 兩輪日轉南上太阪四馬共轅無有重難與
語笑言

訟 羊驚狼虎聳耳羣聚行旅稽難留連愁苦

師 梗生荆山命制輪班袍衣剝脫夏熱冬寒飢

餓枯槁衆人莫憐

焦氏易林

卷之二
十

汲古閣

比 鳥飛無翼兔走折足不常其德自爲羞辱

小畜 條風制氣萬物出生明庶長養花葉壯茂

履 坤厚地德萬物蕃息平康正直以綏大福

泰 昂畢附耳將軍乘怒徑路隔塞燕雀驚駭

否 東風啓戶黔啄翻舞各樂其類咸得生處

同人 兩足四翼飛入家國寧我伯姊與母相得

大有 歲暮花落陽入陰室萬物伏匿歲不可得

謙 釋然遠咎避患高阜田獲三狐以貝爲寶君

子所在安寧不殆

豫 遷延卻縮不見頭日日以困急

隨 秋隼冬翔數被嚴霜雄犬夜鳴家擾不寧

蠱 班馬還師以息勞疲役夫嘉喜入室見妻

臨 老楊日衰條多枯枝爵級不進遂至摧墮

觀 順風吹火牽騎驥尾易爲功力因懼受福

噬嗑 六人俱行各遺其囊黃鵠失珠無以爲明

剝 依叔墻隅志下心勞楚王晨食韓子低頭

復 三牛生狗以戌爲母荆夷上侵姬伯出走

震需之訟
否之姤

焦氏易林

卷之二
十一

汲古閣

无妄 鶴盜我珠逃於東都鵠起追求郭氏之墟

不見蹤跡反爲禍災

大畜 外與中退舉事不遂備糜毀齒失其道理

頤 鴻鵠高飛鳴求其雌雌來在戶雄哺嚙嚙甚

獨勞苦炮鼈膾鯉

大過 褰衣涉河水深漬衣幸賴舟子濟脫無他

觀之
渙

坎 虎齧龍指泰山之崖天命不佑不見其雌

離 明不處暗智不履危終年卒歲樂以笑歌

咸 三足俱行傾危善僵六指不便恩累弟兄樹
柱闕居失其正當

恒 舍車而徒亡其馭牛雖喪白頭酒以療憂

遯 析薪熾酒使媒求婦和合齊宋姜子悅喜

大壯 夜視無明不離商賈子反笑歡與市爲仇

晉 徒行離車冒厭泥塗利以休居

明夷 作室山根人以爲安一夕崩顛破我壺餐

家人 東山西山各自言安雖相登望竟未同堂

睽 君子在朝凶言消去驚駭逐狼不見雄英

焦氏易林

卷之二
十二

汲古閣

蹇 輶輶慎慎一作輶火燒山根不潤我隣獨不

輶墳墳

蒙恩

解 南山之蹊其所遊德配唐虞天命爲子保

佑歆享身受大慶復之比
否之豫

損 龍蛇所聚大小來處泱泱需需淡淡磴磴使

我無賴

益 旃裘若闔慕德獻服邊鄙不悚以安王國

夬 光體春成陳倉雞鳴陽明失道不能白守消

亡爲咎大有
之井

姤 下泉苞稂十年無王荀伯遇時憂念周京

無一

作九蠱
之歸妹

萃 仁德不暴五精就舍四序允釐民安其居

升 隨和重寶衆所貪有相如睨柱趙王危殆

困 鳳生五雛長於南郭君子康寧悅樂身榮

井 二人爲旅俱歸北海入門上堂拜謁王母勞

賜我酒女功不喜

革 逐憂除殃洩泥生梁下田爲王

鼎 東門之墀茹蘆在阪禮義不行與我心反

焦氏易林

卷之二
十三

汲古閣

震 鳧遇稻蘆甘樂齏齏雖驅不去

艮 清人高子久屯外野逍遙不歸思我君母公

子謁請王孫嘉許

漸 讒佞所言語不成全虎狼之患不爲我殘

歸妹 張羅捕鳩鳥麗其災雌雄俱得爲網所賊

剝之
歸妹

豐 安仁尚德東隣慕義來安吾國

旅 猾醜假誠前後相違言如鼈咳語不可知

巽 懷璧越鄉不如遠行蔡侯兩裘久苦流離

兌 伯氏歸國多所恨惑車頓蓋傾身常驚惶乃
得其願雌雄相從

渙 火石相得乾無潤澤利少囊縮

節 君明聖哲嗚呼其友顯德之徒可以禮仕

中孚 騎豚逐羊不見所望徑涉虎廬亡豚失羊

乾之
蹇

小過 玄黃虺隤行者勞罷役夫憔悴處子猥衰

既濟 右手掩目不見長叔失其所得悔吝相仍

未濟 免冠進賢步出朝門儀體不正賊孽爲患

焦氏易林

卷之二
十四

汲古閣

否之
兌

剝之第二十三

剝 行觸大諱與司命忤執囚束縛拘制於吏憂

人有喜

中孚
之震

乾 穿胸狗邦僵離旁春天地易紀日月更始

師
之

謙

坤 從風縱火荻芝俱死三害集房十子中傷

屯 北山有棗橘柚所聚荷囊載擔香盈筐筥

蒙 齋金贖狸不聽我辭繫於虎鬚牽不得來

否
之

革需之睽震
之咸巽之需

需 上下惟邪寡婦無夫歡心隔塞君子離居

訟 二人輦車徙去其家井沸釜鳴不可安居復之

旅

師 蹇驢不才駿驥失時筋力勞盡罷於沙丘履之

巽

比 明傷之初為穆出郊以讒復歸名曰豎牛剝

亂叔孫飫於空丘

小畜 天火大起飛鳥驚駭作事不時自為多咎

焦氏易林

卷之二
十五

汲古閣

履 土與山連其保歲寒終無災患萬世長安

泰 日出阜東山蔽其明章甫薦履箕子佯狂賁之

屯

否 龍馬上山絕無水泉喉焦唇乾口不能言乾之

訟

同人 雄處弱水雌在海濱將別持食悲哀於心

大有 庭燎夜明追嗣日光陽軟不至陰雄生戾

謙 三婦同夫忽不相思志恒不愁顏色不怡

豫 鶴盜我珠逃於東都鵠怒追求郭氏之墟不

見武跡反爲患災

豫之明夷

隨 沐猴冠帶盜在非位衆犬共吠倉狂蹶足

蠱 黍稷禾稻垂畝方好中旱不雨傷風病槁

臨 雄聖伏名人匿麟遠走鳳飛北亂禍未息

中孚

之損

觀 三母多福天祿所伏居之寵光君子有福

噬嗑 被服文德升入大麓四門雍肅登受大福

賁 褰裳涉水流漬衣幸賴舟子濟脫無他

觀之

渙賁之大過坤之萃

焦氏易林

卷之二 十六

汲古閣

復 班馬還師以息勞疲役夫嘉喜入戶見妻

觀之

既濟賁之蠱

无妄 東隣嫁女爲王妃后莊公築館以尊王母

歸于京師季姜悅喜

大畜 百足俱行相輔爲強三聖翼事王室寵光

屯之履晉之坤遯之復

頤 危坐至暮請求不得膏澤不降政戾民忒

泰之

離需之頤漸之坎

大過 百川朝海泛流不止路雖遼遠無不到者

坎 乘駟駕驪東至于濟遭遇仁友送我以資厚

得利歸

離 禮壞樂崩陰請不當成子傲慢為簡生殃欲

求致理力疲心爛

咸 一人輦車乘入虎家王母貪饗盜我犂牛

恒 羊頭兔足少肉不飽漏囊敗粟利無所得之 渙

艮

遯 新田宜粟上農得穀君子懷德以千百福之 恒

離

焦氏易林

卷之二
十七

汲古閣

大壯 夷羿所射發輒有獲雙鳧俱得利伐王國

晉 鳧舞鼓翼嘉樂堯德虞夏美功要荒賓服

明夷 登丘上山對酒遇歡終年卒歲優福無患

家人 歲暮花落陽入陰室萬物伏匿藏不可得

睽 螟虫為賊害我禾穀箠瓶空虛飢無所食

蹇 陽虎脅主使德不通炎離為殃年穀患傷

解 四馬共轅東上泰山駢驪同力無有重難與

君笑言

渙之 豐

損 牧羊稻園聞虎喧謹畏懼悚息終無禍患之 隨

漸井之否中
孚之小過

益 陽花不時冬實生危憂多橫賊生不能服崑
崑之玉取求必得

夬 高阜所在陰氣不淋洪水不處為家利寶

姤 釋然遠咎避患革害田獲三狐以貝為寶君
子所在安寧不殆

萃 兩目失明日奪無光脛足跛曳不可以行頓
於丘旁亡妾莫逐窳然獨宿

升 鴻飛循陸公出不復伯氏客宿

中孚之
同人

焦氏易林

卷之二
十八

汲古閣

困 佩玉纍葉無以繫之孤怨獨處愁哀相憂

一作

桑方
云云

井 載船渡海雖深何咎孫子俱在不失其所

革 鵠求魚食道遇射弋繒加我頸繳縛兩翼欲
飛不能為羿所得

鼎 泥面亂頭忍恥少羞日以削消

震 桑方將落損其黃葉失勢何如無所立

一作

佩玉
云云

艮 巨蛇大鱗戰於國邦上下隔塞主君走逃

吳之

臨

漸 已動死連商子揚砂石胡貉擾軍鼓振吏士

苦

歸妹 張羅搏鳩鳥麗其災雌雄俱得爲網所滅

一作二人同行別離持食一身五心亂無所得賁之歸妹

豐 三聖相輔鳥獸喜舞安樂富有二人諧偶

旅 三奇六偶相隨俱市王孫善賈先得利寶居

止不移大盜爲咎

巽 三人俱行一人言北伯叔欲南少叔不得中

焦氏易林

卷之二 十九

汲古閣

路分道爭鬪相賊

歸妹之中孚

兌 播天舞地擾亂神所居樂无咎言不信誤

渙 坐爭立訟紛紛洵幸成禍亂災及我公大過

離之

節 蛇行蜿蜒不能上阪履節安居可以無憂

中孚 隙大墻壞蠹衆木折狼虎爲政天降罪伐

高殺望夷胡亥以斃

小過 陽不違德高山多澤顏子逐兔未有所得

既濟 心多畏惡時愁日懼雖有小咎終無大悔

未濟 衆神集聚相與議語南國虐亂百姓愁苦
舉師征伐別立賢主

復之第二十四

復 周師伐紂尅於牧野甲子平旦天下悅喜
乾 任武負力東征不伏陷履泥塗雄師敗覆
坤 義不勝情以欲自營覬利危躬折角摧頸
屯 懸犷素食非其任失輿剝廬休坐徙居室
家何憂

蒙 鶴鳴娶婦深目窈身折腰不媚與伯相背

焦氏易林

卷之二
二十一

汲古閣

需 東風解凍河川流通西門子產陞擢有功

訟 三足俱行傾危善僵六指不便累恩弟兄樹

柱闕車失其正當

賁之咸

師 京庾積倉黍稷以興極其疾至以厭飽食

比 南山之蹊真人所在德配唐虞天命爲子保

佑歆享身受大慶

賁之解

小畜 車馳人趨卷甲相仇齊魯寇戰敗於犬丘

坤之兌

履 十五許室柔順有德霜降歸嫁夫以爲合先

王日至不利出城

泰 任力劣薄遠托邦國輔車不僵爲癰所傷
否 千載舊室將有困急荷糧負囊出門直北
同人 惡災殆盈日益章明禍不可救三郤夷傷
大有 冠危載患身驚不安與福馳逐凶來入門
謙 虎狼並處不可以事忠謀轉改禍必及已退
隱深山身乃不殆

豫 卵與石鬪糜碎無處挈瓶之使不爲憂懼
隨 五心六意岐道多怪非君本志生我恨悔

焦氏易林

卷之二
二十一

汲古閣

蠱 雨雪載塗東行破車旅人無家

臨 尚利壞義月出平地國亂天常咎徵滅亡

觀 東行破車步入范家衡門穿射無以爲主賣
袍續食糟糠不飽

噬嗑 逐金出門并失玉几往來井上甌破缺盆
賁 春孟醴酒使君壽考南山多福宜行賈市秋
梁雌雉所至利喜

剝 持刃操肉對酒不食夫亡從軍長子入獄抱
膝獨宿

无妄 騎牛傷暑不能成畝草萊不墾年歲無有
大畜 南邦大域鬼魅滿室謹聲相逐爲我行賊
頤 尊尊所言莫如我垣歡樂堅固可以長安
大過 堯舜禹湯四聖敦仁允施德音民安無窮
旅人相望未同朝卿

坎 桎梏拘獲身入牢獄髡刑受法終不得釋耳
閉道塞求事不得

離 跖並桀處民困愁苦行旅遲遲雷連齊魯

咸 求雞獲雉買鼈失魚出入均貨利得無餘齊

焦氏易林

卷之二
二十二

汲古閣

姜宋子婚姻孔喜

恒 雨師駕駟風伯吹雲秦楚爭強施不得行

遯 仲冬兼秋鳥散飲憂困於米食數驚鷓鴣

大壯 三瓶上山俱至陰安遂到南陽完其芝香

兩崖相望未有枕牀

晉 飛之日南還歸遼東雌雄相從和鳴雍雍解

我胸春

明夷 堯飲舜舞禹拜上酒禮樂所豐可以安處

保我淑女

家人 太乙置酒樂正起舞萬神攸同可以安處
綏我齒兒

睽 白馬騂駟生乳不休富我商人得利饒優
蹇 蹇馬疾步盲師坐御目不見路中止不到

解 春桃萌生萬物華榮邦君所居國樂無憂
損 把珠入口蓄爲玉寶得吾所有歡然嘉喜

益 襦燒袴燔羸剝飢寒病症凍寧

夬 水沫沉浮沮溼不居爲心疾憂

姤 行如桀紂雖禱不祐命衰絕周文君乏祀

焦氏易林

卷之二
二十三

汲古閣

萃 蜉蝣戴盆不能上山脚摧跛蹶損傷其頭

升 長子入獄婦饋母哭霜降旬甚嚮晦伏法

困 求犬得兔請新遇故雖不當路踰吾舊舍

井 鳥鳴葭端一呼三顛動搖東西危而不安靈

符禱社疾病無患

革 天厭禹德命興湯國祓社爨鼓以除民疾

鼎 陰霧作匿不見白日邪徑迷通使君亂惑

震 猿墮喬木不跛手足握珠懷玉還歸我室
之屯

豫蒙
之隨

良 三驪負衡南取芝香秋蘭芬馥盈滿匣匱利
我少姜

漸 春生孚乳羽毛成就舉不失宜君臣相好盜
走奔北終無所悔

歸妹 東行破車還反室家天命訖終無所禱凶
豐 九雁列陣雌獨不羣爲醫所牽死於庖人

旅 二人輦車從去其家井沸釜鳴不可以居
從疑

徒作

巽 閉塞復通與喪相逢甘棠之人解我憂凶

焦氏易林

卷之二
二十四

汲古閣

兌 賦斂重數政爲民賊杼軸空虛家去其室

渙 怒非其怨貪妒腐鼠而呼鵲鳴自令失餌倒

被災患

節 簪跌帶長幽思最苦瘠貌少疲以疾病降

中孚 三人俱行各別採桑蘊其筐筥留我嘉侶

得歸无咎四月來處

小過 逐鳩南飛與喜相隨并獲鹿子多得利歸

雖憂无危

既濟 驅羊南行與禍相逢狼驚吾馬虎盜我子

悲恨自咎

未濟 東隣西國福喜同樂出得隋珠畱獲和玉
俱利有息

无妄之第二十五

无妄 夏臺羨里湯文厄處臯陶聽斷岐人悅喜
西望華首東歸无咎

乾 僂耳穿胸纏離勞春天地易紀日月更始蝮
螫我手痛爲吾毒

坤 慈母之恩長大無孫消息襁褓害不入門

焦氏易林

卷之二
二十五

汲古閣

屯 譎言妄語傳相誑誤道左失跡不知郎處

蒙 鬱映不明陰積無光日在北陸萬物彫藏

需 主母多福天祿所伏居之寵昌君子有光

訟 不耕而獲家食不給中女無良長子跛足疎

齒善市商人有喜

師 火起上門不爲我殘跳脫東西獨得生完不

利出隣病疾憂患

比 持刀操肉對酒不食夫亡從軍少子入獄抱

膝獨宿

復之
剝

小畜 鮑蝦去海遊於枯里街巷迫狹不得自在
南北四極渴餒成疾

履 啞啞笑語與歡飲酒長樂行觴千秋起舞拜
受大福

泰 登高上山賓於四門士伍得歡福爲我根

否 天厭周德命與南國以禮靜民兵革休息

同人 壅遏隄防水不得行火光盛陽陰魄伏匿
走歸其鄉

大有 河海都市國之與府商人受福少子玉石

焦氏易林

卷之二
二十六

汲古閣

一作
食

謙 東行避兵南去不祥西逐凶惡北逃福生與
喜相逢

豫 東家中女媠母最醜三十無室媒伯勞苦

隨 破亡之國天所不福難以止息

蠱 麟駕蹇驢日暮失時居者無憂保我樂娛

臨 蠖竦之側佞幸傾惑女謁橫行王道充塞

觀 三羖五羊相隨並行迷入空澤有谷直北徑

涉六駁爲所傷賊

噬嗑 戴喜抱子與利爲友天之所命不憂危殆
荀伯勞苦西來王母

賁 織縷未就針折不復女工多態亂我政事
剝 行露之訟真女不行君子無食使道壅塞
復 羿張烏號殼射天狼鐘鼓不鳴將軍振攘趙
國雄勇鬪死榮陽

大畜 延頸望酒不入我口商人勞苦利得無有
夏臺羨里難爲復喜

頤 冠帶南遊與喜相期邀於嘉國拜位逢時之坎
焦氏易林 卷之二 二七七 汲古閣

井 大過 東西觸垣不利出門魚藏深水無以樂賓
爵級摧頽光威咸衰

坎 兩母千子轉息無已五乳百雛駢駮驥駒
離 重黎祖後司馬太史陽氏之災離宮悲苦
咸 內執柔德止訟以默宗邑賴福禍災不作

恒 采唐沫鄉邀期桑中失信不會憂思約帶一作

牛驥同堂郭氏以亡國破爲墟
君奔走逃吳之乾師之噬嗑

遯 官成立政衣就缺袂恭謙爲衛終無禍尤

大壯 麒麟鳳凰子孫盛昌少齊在門利以合婚
貴人大歡

晉 亂危之國不可涉域機機發發身頓僵覆
明夷 千雀萬鳩與鷄爲仇威勢不敵雖衆無益
爲鷹所擊萬事皆失

家人 衆神集聚相與議語南國虐亂百姓愁苦

興師征討更立賢主

剝之未濟屯之節小畜之豫

睽 顏淵問騫以禮自閑君子所居禍災不存

蹇 三桓子孫世秉國權爵勢上卿富於周公

焦氏易林

卷之二 二十八

汲古閣

解 鶴鳴九臯處子失時載土販鹽難爲功力

損 方軸圓輪車行不前組囊以錐失其事便還

師 振旅兵革休止

二句疑 衍文

益 魚擾水濁桀亂我國駕龍出遊東之樂邑尺

賜我樂與生爲福

夬 白虎黑狼伏伺山陽遮遏牛羊病我商人

姤 履危不安踈顛我顏傷腫爲癥

萃 三人輦車東入旁家主母貪饕盜我資財亡

失犁牛

升 三鶴南飛俱就塘池蝦鱖饒有利得過倍
困 鷹棲茂樹候雀往來一擊獲兩利在枝柯
井 堯舜欽明禹稷股肱伊尹往來進履登堂顯
德之徒可以輔王

革 枯旱三年草萊不生黍盛空乏無以供靈
鼎 方口圓舌爲知樞門解釋鈞帶商旅以歡
震 鳧池水溢高陸爲海江河橫流魚鼈成市千
里無墻鴛鳳游行

艮 烹魚失刀駕車馬亡錫刃不入魴鯉腥臊

焦氏易林

卷之二
二十九

汲古閣

漸 戎狄蹲踞無禮貪饕非吾族類君子攸去
歸妹 渡河踰水狐濡其尾不爲禍憂捕魚遇蟹
利得無幾

豐 河出小魚不宜勞煩苛政害民君受其患
旅 偃武修文兵革休安清人逍遙來歸空閒
巽 九疑鬱林沮溼不中鸞鳥易去君子不安
兌 搏狷逢虎患厭不起遂至權國與福笑語君

子樂喜

渙 狗生龍馬公勞嫗苦家無筐筥折悔爲吝

節 嬰孩求乳慈母歸子黃麴悅喜得其甘餌

中孚 有兩赤鷄從五隼操操矢無筭趣穰爾射

扶伏聽命不敢動搖

射一作財

小過 伊尹智士去桀耕野執順以強天祐无咎

既濟 逐鹿山西利入我門陰陽和調國無災殃

長子東遊須其三仇

二句疑衍文

未濟 龍興之德周武成福長女宜家與君相德

長股遠行狸且善藏

大畜之第二十六

焦氏易林

卷之二
三十一

汲古閣

大畜 朝鮮之地姬伯所保宜人宜家業處子孫

求事大喜

乾 金柱鐵關膠固衛災君子居之安無憂疑

坤 轉禍爲福喜來入屋春城夏國可以飲食保

全家室

屯 水暴橫行浮屋壞墻泱泱溢溢市師驚惶居

止不殆與母相保

蒙 虎豹熊羆遊戲山隅得其所欲君子無憂旅

人失利市空無人

需 躬禮履仁尚德止訟宗邑已安三伯無患

訟 江淮易服玄黃朱飾靈公夏徵哀禍無極高

位崩顛失其寵室

師

不虞之患禍至無門奄忽暴卒痛傷我心

蒙之

明夷

比 三塗五岳去危入室凶禍不作桀盜堯服失

其寵福貴人有疾

小畜 配合相迎利之四鄉昏以爲期明星煌煌

欣喜爽澤所言得償

焦氏易林

卷之二
三十一

汲古閣

履 三首六身莫適所閒更伏搖動動失事宜箕

子佯狂國乃不昌

泰 虎臥山隅鹿過後胸弓矢設張猗爲功曹伏

不敢起遂全其軀得我美章

大有之訟

否 麟鳳執獲英雄失職自衛反魯畏昧不起福

祿訖已

同人 樂子作殃伯氏誅傷州犁奔楚失其寵光

大有 黃帝出遊駕龍乘馬東至泰山南過齊魯

王良御右文武何咎不利市曹

謙 齊魯爭言戰於龍門遘怨致禍三世不安
豫 道禮和德仁不相賊君子往之樂有其利
隨 姬妒公姥毀益亂類使我家憤利不得遂
蠱 一巢九子同公共母柔順利貞君子不殆福
祿所在

臨 崔嵬北岳天神貴客溫仁正直主布恩德閔
哀不已蒙受大福

觀 三蛆逐蠅陷墮釜中灌沸淹殮與母長訣

噬嗑 東山西陵高峻難升滅夷掘壘使道不通

焦氏易林

卷之二
三十二

汲古閣

商旅無功復反其邦

賁 常德自如不逢禍殃福祿自來

剝 范子妙材戮辱傷膚後相秦國封爲應侯

復 狼虎結謀相聚爲儔同嚙牛羊道絕不通病

我商人

无妄 不宜杜公與我爭訟媒伯無禮自令塞壅

頤 上天樓臺登拜受福喜慶大來

大過 三羊上山東至平康黃龍服箱南至魯陽

完其珮囊執綏車中行人有慶

坎 天地閉塞仁智隱伏商旅不行利深難得
離 延陵適魯觀樂太史東隣白顛知秦興起卒
兼其國一統爲主

咸 橐戢甲兵歸放馬牛徑路開通國無凶憂

一下

有朽墻難鑿
疾病難治

恒 牛驥同堂郭氏以亡國破爲墟君奔走趨

遯 大尾小腰重不可搖揀撓攘壞臣爲君憂湯
火之言消不爲患使我復安

大壯 太乙置酒樂正起舞萬福攸同可以安處

焦氏易林

卷之二
三十三

汲古閣

保我覲齒

一下有暗空無
餌不利爲旅

晉 飲酒醉酣跳起爭鬪伯傷叔僵東家治喪

明夷 陵險難登澗中多石車馳鞞擊重載傷軸

擔負善躓跌踈右足

家人 爭訟不已更相咨詢張李弱口被髮北走

一下有耳順從心躬行至
仁不須以兵天下太平

睽 心志無良傷破妄行觸墻抵壁不見戶房先

王閉關商旅委棄

蹇 鷓鴣鳴鴉治成御災綏德安家周公勤勞

解 清人高子久屯外野逍遙不歸思我慈母
損 兩虎爭鬪股創無處不成仇讐行解却去
益 天女推牀不成文章南箕無舌飯多沙糖虐
衆盜名雄雞折頸

夫 太子扶蘇出於遠郊佞幸成邪改命生憂慈
母之恩無路致之

妬 寒暑相推一明一微赫赫宗周榮光滅衰

萃 雞狗相望仁道篤行不吠昏明各安其鄉周

鼎和餌國富民有八極蒙祐

焦氏易林

卷之二
三十四

汲古閣

升 窻牖戶房通利明光賢智輔聖仁施大行家
給人足海內殷昌

困 雨雪三月鳥獸飢乏旅人失宜利不可得機
言解患以療篤難危身復安

井 白鵠銜珠夜食爲明膏潤優渥國歲年豐中
子來同見惡不凶

革 從豕牽羊與虎相逢雖驚不凶

鼎 鳧雁啞啞以水爲宅雌雄相和心志娛樂得

其所欲

大有之
歸妹

震 逐狐平原水過我前深不可涉暮無所得
艮 窟室蓬戶寒賤所處千里望烟渙散四方形
休滅亡下入深淵終不見君

漸 桀紂之主悖不堪輔貪榮爲人必定其咎聚
斂積實野在都邑未來我室

歸妹 倉庫盈億年歲有息商人畱連雖久有得
陰多陽少因地就力

豐 泰山不然釣鯉失綸魚不可得利去我北

一作

三人同福以興
周國君子安息

焦氏易林

卷之二
三十五

汲古閣

旅 童女無媒不利動搖安其室廬待母動憂
巽 載風雲母遊觀東海鼓翼千里見吾愛子
兌 鴻盜我襦逃於山隅不見其迹使伯心憂
渙 夜視失明不利遠鄉閉門塞牖福爲我母
節 三狗逐兔於東門路利以進取商人有得
中孚 武王不豫周公禱謝載璧秉圭安寧如故
小過 同載共車中道別去爵級不進君子下輿
既濟 六雁俱飛遊戲稻池大飲多食飽無患
未濟 符左契右相與合齒乾以坤利季生六子

長大成就風言如母不利爲咎

頤之第二十七

頤 家給人足頌聲並作四夷賓服干戈卷閣

乾 思初道古哀吟無輔陽明不制上失其所

坤 江河淮海天之與府衆利所聚可以饒有樂

我君子

屯 三雁俱飛避暑就涼適與贈遇爲繳所傷

蒙 秋南春北隨時休息處和履中安無憂凶

需 履危無患逃脫獨全不利出門傷我左膝疾

焦氏易林

卷之二
三十六

汲古閣

病不食鬼哭其室

訟 東家凶婦怨其公姥毀盤破盆棄其飯食使

吾困貧

師 泥滓汗辱棄損溝瀆衆所笑哭終不顯錄

比 旦往暮還吝與相存身無患凶

小畜 六翮長翼夜過射國羿氏無得

履 蜂蠆之國難以止息嘉媚之士爲王所食從

去其室

泰 被狐乘龍爲王道東過時不返使我憂聾

否 電梅零墜心思情憤懷憂少愧亂我魂氣
同人 長女三嫁進退多態牝狐作妖夜行離憂
大有 轟轟鞦韆驅東逐西盛盈必毀高位崩顛
謙 乘船涉濟載水逢火賴得無患蒙我全生
豫 德至之君政仁且溫伊呂股肱國富民安
隨 生不逢時困且多憂無有冬夏心常悲愁
蠱 南歷玉山東入生門登福上堂飲萬歲漿
臨 大斧斫木讒人敗國東關二五禍及三子晉
人亂危懷公出走

焦氏易林

卷之二
三十七

汲古閣

觀 一室百孫公悅嫗歡相與笑言家樂以安
噬嗑 隨陽轉行不失其常君安於鄉國无咎殃
賁 羣虎入邑求索肉食大人禦守君不失國
剝 弱足則跟不利出門商賈無贏折崩爲患湯
火之憂轉解喜來

復 夏臺幽戶文王厄處鬼侯飲食岐人悅喜
无妄 棟橈攘壞廊屋大敗宮闕空廓如冬枯樹
大畜 讒以內安不利其國室家大懼幽囚重閉
疾病多求罪亂憤憤

大過 六龍俱怒戰於陂下蒼黃不勝旅人艱苦
坎 天下雷行塵起不明市空無羊疾人憂凶三
木不喜脫歸家邦

離 一指食肉口無所得染其鼎鼐舌饒於腹

咸 喜笑不常失其福慶口辨言疥行者畏忌

恒 毛生毫背國樂民富侯王有德

遯 豮豕童牛害傷不來三光同堂生我福仁

大壯 江河淮濟盈溢爲害邑被其癩年困無歲

晉 兩虎爭鬪股瘡無處不成仇讐行解却去

焦氏易林

卷之二
三十八

汲古閣

明夷 五嶽四瀆潤洽爲德行不失理民賴恩福

家人 載車乘馬南逢君子與我嘉福離憂无咎

睽 缺囊破筐空無黍梁不媚始公棄於糞場

蹇 殺行桃園見虎東還螳螂之敵使我無患

解 箕仁入室政衰弊極抱其彘器奔於他國因

禍受福

損 庭燎夜明追古傷今陽弱不制陰雄坐戾

益 懸瓠素飡食非其任失輿剝廬休坐徙居

夬 嘉聞福喜繒帛盛織日就爲得

妬 執綏登車駿乘東遊說齊解燕霸國以安
萃 水深無桴蹇難何遊商伯失利庶人愁憂
升 三鳥鴛鴦相隨俱行南到饒澤食魚與梁君
子長樂見惡不傷

困 遠視目盼臨深苦眩不離越都旅人留難
井 終風東西渙散四方終日至暮不見子懽
革 言無要約不成券契殷叔季姬公孫爭之彊
入委命不悅我心

鼎 牛馬聾憤不知聲味遠賢賤仁自令亂憤疾

焦氏易林

卷之二
三十九

汲古閣

病無患生福在門

震 從商近遊食飽無憂囹圄之困中子見囚

艮 据斗運樞順天無憂與樂並居

漸 姬夷姜望爲武守邦藩屏燕齊周室以彊子

孫億昌

歸妹 亡羊東澤循隄直北子息其母隨返其所

豐 張鳥開口舌直距齒然諾不行政亂無緒

旅 載船逢火憂不爲禍家在山東入門見公

巽 絕國異路心不相慕蛇子兩角使我相惡

兌 鼻項移徙居不安坐枯竹後生失其寵榮

渙 火息無光千歲不長殷湯遠明

節 文王四乳仁孝篤厚子蓄十男無有折夭

中孚 熊羆豺狼在山陰陽伺鹿取麋道伏畏難

小過 彫葉被霜獨蔽不傷駕入喜門與福爲婚

既濟 黃離白日照我四國元首昭明民賴爲福

一作有漢有游
女人不可得

未濟 順風直北與歡相得歲熟年豐邑無盜賊

一下有長女行嫁子
孫不昌棄疾爲殃

焦氏易林

卷之二
四十

汲古閣

大過之第二十八

大過 典冊法書藏在蘭臺雖遭亂潰獨不遇災

乾 日在北陸陰蔽陽目萬物空虛不見長育

坤 鬼泣哭社悲商無後甲子昧爽般人絕祀

屯 涉塗履危不利有爲安坐垂堂乃無災殃門

戶自開君憂不昌

蒙 陽失其紀枯木復起秋華冬實君不得失

需 大樹之子百條共母當夏六月枝葉盛茂鸞

鳳以庇召伯避暑翩翩偃仰各得其所

訟 秉鉞執戈挑戰先驅不役元帥敗破爲憂
師 啓室開門巡狩釋寃夏臺羨里湯文悅喜
比 衰滅無幾淵溺在頃吠狗夜驚家乃不寧
小畜 西隣小女未有所許志如委衣不出房戶
心無所處傳母何咎

履 狗吠夜驚履鬼頭頸危者弗傾患者不成
泰 當年少寡獨與孤處雞鳴犬吠無敢難者我
生不辰獨嬰寒苦

否 無道之君鬼哭其門命與下國絕不得食

焦氏易林

卷之二
四十一

汲古閣

同人

乘龍南遊夜過糟丘脫厄曾憂

一下有增
絕象傷羿

不得
美

大有 馬蹟車傷長舌破家東關二五晉君出走

謙 瓜花瓠實百女同室醯苦不熟未有配合

豫 晨風文翰火舉就温時過我邑羿無所得

隨 澠澠促促塗泥至轂雨濘不進虎嚙不得

蠱

膠車駕東與雨相逢放革懈情頓禹

一作獨
輪

坐憂不爲禍

一作
福

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商
人失功

噬嗑 牧羊稽園逢虎喧謹危懼喘息終無禍患
賁 嬰兒求乳母歸其子黃麋悅喜乃得甘飽
剝 廓落失業跨禍變福利無所得

復 出入無時憂患爲災行人失牛利去不來若
馬遣駒勿與久居

无妄 風怒漂木女感生疾陽失其時陰孽爲賊
大畜 車馬疾傷不利越鄉幽人無貪去晦就明

焦氏易林

卷之二
四十二

汲古閣

頤 三奇六耦各有所主周南召南聖人所在德
義流行民悅以喜

坎 坐爭立訟紛紛詢卒成禍亂災及家公
離 凶憂爲殘使我不安從之南國以除心疾
咸 愛我嬰女牽引不得豈幸高貴反目下賤
恒 宜行賈市所取必倍載喜抱子與利爲友
遯 坐席未温憂來扣門踰墻北走兵交我後脫

於虎口

大壯 赤帝懸車廢職不朝叔帶之災君子記廬

晉 子畏於匡厄困陳蔡明德不危竟自免害
明夷 逐雁南飛馬疾牛罷不見漁池失利憂危
牢戶之冤脫免無患

家人 推輦上山高仰重難終日至暮不見阜巔
睽 憂不爲患福在堂門使君偃安

蹇 春桃生華季女宜家受福多年男爲邦君

解 高山之巔去地億千雖有兵寇足以自守

損 過時歷月役夫憔悴處子歎室息我伯叔

益 太微復明說升傳巖乃稱高宗

一作疾在頭
頤和不能生

焦氏易林

卷之二
四十三

汲古閣

滅其
令名

夫 旁多小星三五在東早夜晨行勞苦無功

姤 東鄉煩煩相與笑言子般鞭革圍人作患

萃 鼻移在頭枯葦復生下朽上榮家乃不寧其

舍不成

升 蝦蟆羣聚從天請雨雲雷集聚應時輒與得

其所願

困 大步上車南到喜家送我貂裘與福載來

井 賊仁傷德天怒不福斬刈宗社失其土宇

革 從狷見虎雖危無殆終已不處

鼎 履行素德卒蒙祐福與堯侑食君子有息

震 利在北陸寒苦難得憂危之患福爲道門商

叔生存

艮 四蹇六盲足痛難行終日至暮不離其隣

漸 臺駘昧子明知地理障澤宣德封居河漢

歸妹 畜水待時以備火災柱車絆馬郊行出旅

可以无咎

豐 歲暮花落君衰於德榮寵隕墜陰棄其室

焦氏易林

卷之二
四十四

汲古閣

旅 夏敗蔡悲千里爲市黃落澹鬱利得无有

與 仲春巡狩東見羣后昭德允明不失其所

兌 冽潔縲縲締構難解嘆母銜嫁媒不得坐自

爲身禍

渙 鳥嚙夜中以戒災凶重門擊柝備憂外客

節 朝霽暮露織我衣濡道無行牛

中孚 抱璞懷玉與桀跖觴詘坐不申道無良人

小過 兩心相悅共其蒹藋夙夜在公不離房中

得君子意

蒹藋一作茅蘆

既濟 載醜茹田破鉏失餐苗稼不闢獨飢於年
未濟 甘露醴泉太平機關仁德感應歲樂民安

屯之謙

坎之第二十九

坎 有鳥黃足歸呼季玉從我睢陽可避刀兵與
福俱行有命久長

乾 太王爲父季歷孝友文武聖明仁德興起孔
張四國載福綏厚

坤 猿墮高木不踈手足保我全生還歸其室

焦氏易林

卷之二
四十五

汲古閣

屯 立耳恭敏遇讒出處北奔戎狄經涉齊楚以
秦代懷誅殺子圍身爲伯主

蒙 倚鋒據戟傷我胸臆耗折不息

需 狗冠雞步君失其所出門抵山行者憂難水
灌我園高陸爲泉

訟 衆鳥所翔中有大恠丈身長頸爲我驚憂

師 虎行相逐未有休息戰於平陸爲夷所覆

比 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履陸居少泉山高無雲車行千里塗不污輪渴
我爲怨

泰朝不見光夜不見明暝抵空牀季女奔亡愴
然心傷

否齊魯永國仁聖輔德造禮雅言定公以安
同人束帛玄圭君以布德伊呂百里應聘輔國
大有棘鈞我襦爲絆所拘靈巫拜祝禍不成災
東山之邑中有肥土可以饒飽

謙門燒屋燔爲下所殘西行出戶順其道理虎
焦氏易林

臥不起牛羊歡喜

卷之二
四十六

汲古閣

豫墻高蔽目崑崙翳日遠行無明不見權叔
隨天地際會不見內外祖辭遣送與世長訣
蠱深水難涉泥塗至轂牛罷不進浮陷爲疾
臨羊驚虎狼獼猴羣走無益於僵爲齒所傷
觀履蛇躡虺與鬼相視驚恐失氣如騎虎尾
噬嗑車驚人傾兩輪脫去行者不止人生憂懼
結締復解夜明爲喜

賁南販北賈與喜爲市利得百倍

剝 延陵適魯觀樂太史東隣白顛知秦興起卒
兼其國一統爲主

復 出門逢惡與福爲患反相擊刺傷我手端

无妄 犖鹿羣走自然燕喜公子好遊他人多有

大畜 恭寬信敏履福不殆從其邦域與喜相得

頤 欲飛無翼鼎重折足失其福利庖羞爲賊下一

有上妻之家富其冢宰
喜除我憂解吾思愁

大過 府藏之富王以振貸捕魚河海布網多得

離 陰生麓鹿鼠舞鬼哭靈龜陸處釜甑塵生仁

焦氏易林

卷之二
四十七

汲古閣

智盤桓國亂無歡

咸 風塵坎坷不見南北行迷失利復反其室

恒 金革白黃宜利戎市嫁娶有息商人悅喜

遯 匏瓜之德宜繫不食君子失輿官正懷憂

大壯 乘船渡濟載水逢火賴得免患我有所持

晉 道險多石傷車折軸與市爲仇不利客宿

明夷 託寄之徒不利請求結衿無言乃有悔患

家人 三年爭妻相逐奔馳終日不食精氣竭罷

睽 退惡防患日之中息解釋倒懸

蹇 兩足四翼飛入家國寧我伯姊與母相得
解 寒露所凌漸至堅冰草木瘡瘍花落葉二
損 后稷農功富利我國南畝治理一室百子
益 設網張羅捕魚園池網罟自決雖得復失危
許之患受其忻歡

夫 路與縣休侯伯恣驕上失其威周室相微
姤 逐走追亡相及扶桑復見其鄉使我悔喪
萃 履祿綏厚載受福祉衰微復起繼世長久疾
病無危晉人起告

焦氏易林

卷之二
四十八

汲古閣

升 鰥寡孤獨祿命苦薄入宮無妻武子哀悲
困 山沒丘浮陸爲水魚燕雀無巢民無室廬
井 冠帶南遊與福喜期遨遊嘉國拜位逢時
革 東行亡羊失其羝牂少女無夫獨坐空廬
鼎 探巢捕魚耕田捕鱸費日無功右手虛空
震 東行飲酒與喜相抱福爲吾家利來從母水
澤之徒望邑而處

艮 妄怒失精自令畏悔怡怡之歡君子无咎
漸 白雲如帶往往來處飛風送迎大電將下擊

我禾稼僵死不起

歸妹 南至之日陽消不息北風烈寒萬物藏伏
豐 火中仲夏鴻雁解舍體重難移未能高舉君
子顯名不失其譽

旅 北行出門履蹈躓顛踈足據塗污我襦袴
吳 輕車醜祖疾風暴起促亂祭器飛揚鼓舞明
神降佑道無害寇

兌 酒爲歡伯除憂來樂福喜入門與君相索使
我有得

焦氏易林

卷之二
四十九

汲古閣

渙 三足孤鳥虛鳴督郵司過罰惡自賊其家毀
敗爲憂

節 三河俱合水怒踴躍壞我王室民飢於食

中孚 南行棗園惡虎畏班執火銷鋒使我無患

小過 求鹿過山與利爲怨闇襲不言誰知其權

既濟 行旅困蹙失明守宿囹圄之憂啓蟄出遊

未濟 据棘履杞趺刺爲憂夫婦不和亂我良家

離之第三十

離 時乘六龍爲帝使東達命宣旨無所不通

乾 執轡四驪王以爲師陰陽之明載受東齊
坤 春秋禱祀解禍除憂君子无咎

屯 坐朝乘軒据國子民虞叔受命和合六親
蒙 門戶下堂與福相迎祿於公室曾孫以昌

需 高木腐巢漏溼難居不去甘棠使我無憂

訟 三女爲姦俱行高園倍室夜行與伯笑言不
認主母爲設歡酒冤尤誰禱

師 漏卮盛酒無以養老春貸黍稷年歲實有履
道坦坦平安无咎

焦氏易林

卷之二
五十

汲古閣

比 松柏枝葉常茂不落君子權寧日富求樂

小畜 夫婦不諧爲燕攻齊良弓不張騎劫憂亡
履 出令不勝反爲大災強不克弱君受其憂

泰 奔走相錯敗亂諸緒民不得作

否 載璧秉珪請命於河周公克敏冲人瘳愈

同人 素車爲馬不任重負王侯出征憂危爲咎

大有 大樹之子百條共母比之火中枝葉盛茂

謙 壅遏隄防水不得行火盛陽光陰蜺伏藏走

歸其鄉

豫 五岳四瀆合潤爲德行不失理民賴恩福
隨 駕駿南遊虎驚我牛陰不奉陽其光滅蹴嘗
之謙謙奉義解患

蠱 早霜晚雪傷害禾麥損功棄力飢無所食
臨 岐周海隅獨樂無憂可以避難全身保財
觀 陰蔽其陽目暗不明君憂其國求辟得黃駒
犢從行

噬嗑 金城鐵廓上下同力政平民歡寇不敢賊
賁 平公有疾迎醫秦國和不能治晉人疑惑

焦氏易林

卷之二
五十一

汲古閣

剝 載堯扶禹從喬彭祖西遇王母道路夷易無
敢難者

復 羔羊皮革君子朝服輔政天德以合萬國
无妄 振鐘鼓樂將軍受福安帖之家虎狼爲憂
履危不殆師行何咎

大畜 嫡庶不明孽亂生殃陳失其邦

頤 鳥驚孤鴻亂國不寧上弱下強爲陰所行

大過 被繡夜行不見文章安坐於堂乃无咎殃
長子帥師得其正常

坎 六月采芑征伐無道張仲方叔克勝飲酒
咸 昧暮乘車東至伯家踰梁越河濟脫無他
恒 東風解凍和氣兆升年歲豐登

遯 三豕搏鼠遮遏前後死於圍城不得脫走

大壯 綏德孔明履祿久長貴且有光疾病憂傷

晉 三虎搏狼力不相當如摧腐枯一擊破亡

明夷 使伯采桑狼不肯行與叔爭訟更相毀傷

家人 抱空握虛鴛鴦我雛利去不來

睽 李花再實鴻卵降集仁哲以興隆國不賊

焦氏易林

卷之二
五十二

汲古閣

蹇 東山臯落勇悍不服金瑛玩好衣爲身賊綵

麻不作

解 飛蚊污身爲邪所率青蠅分白真孝放逐

損 南山大木文身六目制命出文東里宣敷尊

主安居鄭國无患

益 泉起崑崙西出玉門流爲九河無有憂患

夬 命短不長中年夭傷思及哭堂哀其子亡

姤 君臣不和上下失宜宗子哀歌

萃 苛政日作螽食華葉割下啖上民被其賊秋

無所得

升 南行載鎧登履九魁車傷牛罷日暮嗟咨

困 春東夏南隨陽有功與利相逢

井 頭尾顛倒不知緒處君失其國

革 言無要約不成券契殷叔季姬公孫爭之強

入委命不悅子南

鼎 缺陷不成胎卵不生不見其形

震 見蛇交臥惜蜒畏惡心乃无悔

艮 河水孔穴壞敗我室水深無涯魚鼈傾倒

焦氏易林

卷之二
五十三

汲古閣

漸 五岳四瀆地得以安高而不危驚懼避患

歸妹 南至之日陽消不息北風冽寒萬物藏伏

豐 五利四福俱田高邑黍稷盛茂多獲高稻

旅 公孫駕車載遊東齊延陵子產遺我紵衣疾

病哀悲

巽 蛟虬當道民困愁苦望羊置羣長子在門

兌 金玉滿堂忠直乘危三老凍餓鬼奪我室求

魚河海網舉必得

渙 日入明匿陽晶隱伏小人心勞求事不得

節 頻逢招飲失利後福不如子息舊器故杵申
請必得乃無大悔

中孚 南有嘉魚駕黃取遊魴鱖詡詡利來無憂
小過 黃裳建元文德在身祿佑洋溢封爲齊君
既濟 口不從心欲東反西與意乖戾動舉失便
未濟 虎狼之鄉日爭凶訟叨爾爲長不能定証

焦氏易林

卷之二
五十四

汲古閣

焦氏易林卷之二 終

